

HIERONYMUS.

E T Σ E B I O Σ.

EUSEBIUS.

THAMAR, apud Ezech. Cap. XLVII. vs. 19. & Cap. XLVIII. vs. 28. loci nomen in extremis Judææ ad Austrum terminis, quantumque ex iis locis colligi potest, juxta initium torrentis *Egypti*; à quo deinde loco totus terminus Australis describitur, à *Thamar usque ad aquas contradictionis Cades*, & ab eodem loco quidquid interjacet usque ad mare magnum, nempe totus ille torrens. Significat autem THAMAR *palmarum arborem*. Existimavit Hieronymus ad Ezech. Cap. XLVII. *Thamar* ibi esse *Palmyram* urbem à Salomone ædificatam; at Ezechiëlis descriptio nullo modo id ferre videtur.

¹ THAMNA, ubi oves suas tondit Judas; ostenditur hodieque prægrandis vicus in finibus Diospoleos euntibus *Æliam* in tribu Dan, sive Judæ.

Θαμνὰ, ἐνταῦθα ἔκειρεν Ἰούδας τὰ ἐαυτοῦ πρόβατα. διαμένει κώμη μεγάλη ἐν ὁρίοις Διοσπόλεως, μεταξὺ ἀπὸ τῶν εἰς Αἰλίαν. ἦν δὲ φυλῆς Δάν, ἢ Ἰούδα.

THAMNA, ubi tondebat Judas suas oves. permanet vicus magnus in finibus Diospoleos inde pergentibus *Æliam*. fuit autem tribus Dan, sive Juda.

² THAMNA, civitas alia Principum Edom, sed ex concubina Eliphaz filii Esau Thamna appellata est, quæ peperit ei Amalech, unde Amalechitæ.

Θαμνὰ, ἄλλη πόλις ἡγεμόνων Ἐδὼμ. ἦν δὲ καὶ Παλλακὴ Ἐλιφάζ υἱοῦ Ἠσαῦ, ἣ τις ἔτεκεν αὐτῷ τὸν Ἀμαλήκ, ὅθεν οἱ Ἀμαληκῖται.

THAMNA, alia civitas principum Edom. fuit autem & concubina Eliphaz filii Esau, quæ peperit ei Amalec, unde Amalecitiæ.

THAMNAS. Vide THAMNA primò paulo antè.

THAMNATHA. Vide THAMNA primò paulo ante.

THAMNATHSARA vel THAMNATHSARE. Vide paulo post in THAMNATHSARA.

³ THAMPSA, terminus regni Salomonis.

Θαμσὰ, ὄριον τῆς βασιλείας Σολομών.

THAMSA, terminus regni Salomonis.

⁴ THANAAC, civitas, juxta quam Debora adversus Sisaram dimicavit in tribu Manasse, separata Levitis, quam tenere non potuit pristinis cultoribus nequaquam ejectis. est autem villa nunc prægrandis distans à legione tribus millibus.

Θαναάχ, οὗχ εἶλε ταύτην ἡ φυλὴ Μανασσῆ, ὅτι μὴ τοὺς ἀλλοφύλους μετέστησεν ἐξ αὐτῆς. ἐνταῦθα δὲ τὸν Σισάρὰ ἡ Δέβορρα ἐκπολεμεί. ἦν δὲ καὶ αὕτη ἀφωρισμένη Λευίταις. καὶ νῦν ἐστὶ κώμη μεγίστη ἀπέχουσα τῆς Λεγεῶνος σημεῖα γ'.

THANAACH, Hanc non cepit tribus Manasse, quia non transfudit alienigenas ex ea. Hic autem Debora Sisaram debellat. Fuit & hæc separata Levitis, estque modò vicus maximus distans Legeone tribus milliaribus.

THANACH. Vide supra THAANACH.

THANATHSELO, urbs, vel oppidulum in Orientalibus terminis tribus Ephraim, Jos. XVI. vs. 6.

⁵ THANNA, in tribu Juda.

⁶ THANNATHA, posuimus & supra.

Θαμναθά, κεῖται καὶ ἀνωτέρω Θαμνὰ, φυλῆς Δάν.

THAMNATHA, extat supra Thamna tribus Dan.

⁷ THANNATSARA, civitas Jesu filii Nave in monte sita; de qua & supra sub nomine Thanne diximus; in qua usque in præsentem diem sepulchrum ejus ostenditur, in tribu Dan.

Θαμνασθάρὰ, πόλις Ἰησοῦ τοῦ Ναυὶ ἐν τῷ ὄρει κειμένη. αὕτη ἐστὶ Θαμναί, ἣ καὶ ἀνωτέρω κειμένη, ἐν ἣ ἐστὶ νῦν δείκνυται τὸ Ἰησοῦ μνημα, φυλῆς Δάν.

THAMVASTHARA, civitas Jesu Nave in monte sita. hæc est Thamna de qua superius, in qua usque hodie monstratur sepulchrum Jesu, tribus Dan.

N O T A.

1. Vocatur hæc urbs in versione nostra *Thamna*, *Thamnas*, *Thamna*, vel *Thamnatha*. Fuit autem primo *tribui Judæ* attributa Jos. 15. v. 57. postmodum *Danitis* adscripta Jos. 19. v. 43. Eadem cum in Philistæorum esset confinio, sæpe in eorumdem manus venit, cum viatores existerent; nam & Samsonis tempore, cum Samson inde uxorem Philisthæam puellam accepit, in eorum erat potestate, Judic. 14. & tempore Achaz regis eandem in sua potestate redactam Philisthæi incoluerunt 2 Paral. 28. v. 18. Vide de *Thamna* & *Thamnatha* plura Gen. 38. v. 12. ubi hanc quæstionem ex professo disputavi, sintne diversæ urbes *Thamna* & *Thamnatha*. BONFRERIUS.

2. Legimus apud Idumæos *Thamna viri & ducis* nomen, Gen. 36. v. 40. & 1 Paral. 1. v. 36, & 51. Item *mulieris & concubine Eliphaz* nomen, Gen. 36. v. 12. at *civitatis* nomen *Thamna* nusquam Scriptura meminit. IDEM.

3. In versione nostrâ *Thaphsa* appellatur 3 Reg. 4. v. 24. De eâ dicemus in *Thaphsa*, ubi & hujus urbis situm assignabimus. IDEM.

4. De hac supra dictum est in *Thaanach*. Fuisse autem juxta hanc urbem dimicatum à Barac & Debora adversus Sisaram indicatur in cantico Deborah Judic. 5. v. 19. IDEM.

5. Neque hæc alia est ab eâ, quæ *Thamna* supra dicta est, & in Scriptura quidem Jos. 15. v. 57. *tribui Judæ* assignatur, sed ita ut è

Jos. 19. v. 43. satis liqueat *tribui Judæ* ereptam, & *Daniticæ* tribui attributam. IDEM.

6. In versione nostra *Thamnatha* appellatur. Vide supra in *Thamna* primo. IDEM.

7. In versione nostra vocatur hoc oppidum *Thamnathsara* vel *Thamnathfare*; Fuit hæc peculiaris Josue possessio, in qua & habitavit, & sepultus est; in *tribui Ephraim* sita & *monte*, quæ omnia liquent è Jos. 19. v. 50. & Cap. 24. v. 30. & Judic. 2. v. 9. Montis autem illius nomen videtur fuisse *Gaas*, cujus Septentrionalem partem hæc urbs tenebat, ut indicat Scriptura locis citatis Jos. 24. v. 30. & Judic. 2. v. 9. quod etsi alio sensu accipi possit, nempe ut *mons Gaas* alius planè esset ab eo, in quo sita *Thamnathfare*; at ita intellexit supra Hieronymus in voce *Gaas*, ut idem ipse mons esset *Gaas*, cujus Septentrionalem partem hæc urbs teneret. De hac urbe sub nomine *Thanne* nihil usquam lego in toto de locis Hebr. libro, quod tamen hic asseritur. At quod additur. IDEM.

8. *σημεῖα γ'* In voce *Thanach*, quæ eadem est, sunt *σημεῖα δ'*. Quis dicat utrum verius sit? CLERICUS.

9. *φυλῆς Δάν* Imò verò Ephraim, ut rectè *Bonfrerius*. Peccatum videtur esse memorie. IDEM.